



Broj: 02-4-3145/26
Sarajevo, 27.04.2026. godine

OPĆINA VOGOŠĆA
Služba za investicije i komunalne poslove
ul. Jošanička 80
71320 Vogošća

PREDMET: Informacija o mogućnostima postupanja po vijećničkoj inicijativi br. 16/16 od 31.03.2026. godine

Poštovani !

Povodom inicijative vijećnika Općinskog vijeća Vogošća, Mehić Almedina na 16. redovnoj sjednici, koja tretira postavljanje video nadzora s ciljem sprečavanja odlaganja nedozvoljenog otpada na zemljištu u vlasništvu Zavoda za izgradnju Kantona Sarajevo, u ulici Kenana Brkanića smatramo za shodno informisati Vas o sljedećem :

Agencija za zaštitu ličnih podataka BiH nalaže poštovanje određenih procedura prilikom postavljanja video – nadzora u skladu sa Zakonom o zaštiti ličnih podataka (“Službeni glasnik BiH”, broj: 12/25).

U prvom redu, to znači da, ako se planira instalirati video - nadzor, u cilju snimanja i pohranjivanja snimaka praćenih mjesta gdje se kreću fizička lica, mora se odrediti svrha, te osigurati sredstva za obradu podataka.

Dakle, onaj koji planira instalirati kamere i pohranjivati snimke na osnovu kojih se neko može identificirati, treba izvršiti određene procjene, ispuniti pravne uvjete i osigurati sredstva za uspostavljanje video-nadzora.

Kod postavljanja video - nazora treba postojati jasna predstava o tome da li je postavljanje ovog sistema u skladu sa predmetnim Zakonom, odnosno da li bi za postizanje cilja bilo dovoljno neko drugo rješenje.

Sve ove aktivnosti bi trebale biti usklađene sa Ministarstvom unutrašnjih poslova Kantona Sarajevo, naročito u kontekstu navedenog u vijećničkoj inicijativi, kojom se između ostalog traži „uvodenje monitoringa uposlenika da stalno obilaze teren i prate situaciju „.

Budući da ne postoji zakonska obaveza za postavljanje video nadzora s ciljem sprečavanja odlaganja nedozvoljenog otpada , vlasnik video-nadzora mora donijeti odluku kojom propisuje pravila prikupljanja i čuvanja ličnih podataka, kako bi se ispoštovalo pravo na zaštitu privatnosti , u skladu sa članom 57. Zakona o zaštiti ličnih podataka Bosne i Hercegovine ("Službeni glasnik BiH", broj: 12/25).

Imajući u vidu sve prethodno navedeno Zavod za izgradnju Kantona Sarajevo u ovom trenutku nema mogućnost za postavljanje video nadzora s ciljem sprečavanja odlaganja nedozvoljenog otpada na predmetnom zemljištu .

Osim toga , za postavljanje video nadzora u ulici Kenana Brkanića bi bila potrebna sredstva osigurana Programom uređenja građevinskog zemljišta i realizacije kapitalnih investicija u 2026. godini , koja do sada nisu planirana , niti osigurana .
Napominjemo da se o prijedlogu Programa moraju odrediti Vlada Kantona Sarajevo , kao i Skupština Kantona Sarajevo.

Sugeriramo na mogućnost da i lokalna zajednica preduzme aktivnosti na unapređenju komunalne čistoće uz angažman KJKP „Rad „ Sarajevo , Službe komunalnih redara i Kantonalne uprave za inspekcijske poslove – Inspektorat komunalne inspekcije.

Navodimo primjer da je tokom 2025. godine Općina Hadžići, u saradnji s KJKP " Rad " Sarajevo, pokrenula projekat video-nadzora za sprečavanje nelegalnog odlaganja otpada. Cilj projekta je smanjenje bacanja smeća na javnim površinama.

Lijep pozdrav ,

Pripremio : Damir Konjičanin, dipl.pravnik

